

5. juni 2025

UKA 2025/121

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Uummannami Upervavimmilu eqqakkanik ikuallaavimmik pilersitsisoqarsinnaanera pillugu apeqquteqaat aallaavigalugu siunnersuut

(Inatsisartunut ilaasortaq Knud Kleemann, Atassut)

Avannaata sumiginnarneqarnerujussua naammaqaaq!

Nunatta avanna sinerissap sinneranut sanilliullugu nipaanneroqaaq, naak sorparujussuartigut annertoqisumik katataaqqangaluarluni, aali uani maanna eqqakkanik suliaqarneq kisiat eqqartorneqarniartoq, qanorli angallannikkut sanaartornikkullu tunngassuteqartut eqqartorneqartuuppatataaq.

Ukiut tamarluinnaasa eqqakkat katersorneqartut poortorneqarnikut sikuunerani tulukkanik ammaaterneqarlutik teqqartut, aasanerani niviungassuit illoqarfik aneerfissaajunnaajusallugu, eqqakkat imaanut nakkaasut, illoqarfiup iluanut teqqartut, ikuallaagallarsinnaanermut piumasaqaatit ingattarsingaaramik angumasassaannigajattut.

Ila iluarsisariallit taajugassagut amerlaqaat!

Ikerasammiit Ukkusissanut, Upervavik Kujallermiit Kullorsuarmut, nunaqarfippassuit avannaani eqqakkatigut assorsuaq unammillernartumik inissisimapput, sooq tamanna taamaattussarineqaannassua?

Esani sikusanngitsumiikkaanni torrasoorpasippoq, taannali nunatta qeqqaniit kujasinnerusumut tulluurtumik ilusilingaavoq, sikusartunut tulluannigilaq.

Eqqartorsinnaannginnerparput maanna pimoorussamik Uummannap Upervaviullu namminneq nutaaliaasunik ikuallaaveqalersinnaannginneri? Kiassarnikkut innaallagissiornikkullu tapertaasinnaasussanik, immaqalu siunissami naluttarfeqalersinnaanissaannut kissamik tunioraasinnaanissamut atorluarsinnaasumik. Ajoinqaarmi ukiut tamarluinnaasa eqqagarpassuit talittarfinnut tunisassianik assartuiniarnermi atorneqartartunuttaaq aqqunneqartarput, umiarsuarnut ikineqassatillutik, ila tamanna nunani allani pisisartutta paasisuuppasuk nunatsinnut ajunaarnersuartut ittumik tunisassiornikkut kinguneqassagaluarpoq, tamanna aamma utaqqiinnarniarneparput?

Oqallisigilaartiguli maanna politikikkut qanoq tamanna aaqqiivigineqarsinnaanersoq, qanorlu ililluta pingaarnersiunikkut tamanna angusinnaajumaarnelutigu.

Oqallilluarisi.